



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa

29 Outobru 2013

Parlamentu Nasionál preokupa ho kualidade projeitu no kapasidade ezelesaun Orsamentu Jerál Estadu (OJE) 2013

Maiória membru Parlamentu Nasionál iha plenaria loron 28 Outobru 2013, apresenta sira nia preokupasaun relasiona ho kualidade no kapasidade ezelesaun Orsamentu Jerál Estadu (OJE) tinan 2013 nian. Deputadu sira preokupa tanba to' o agora sira seidak simu no haree relatóriu sigifikativu husi ministériu ida-idak kona-ba ezelesaun no implementasaun programa no projeitu sira ne' ebe aprova tiha ona. Aleinde ne' e rezulta fiskalizasaun direita husi membru deputadu sira hatudu katak projeitu barak mak laiha kualidade no projeitu balun seidak hahu nia konstrusaun hodi afeita ba balansu ezelesaun OJE 2013.

“Reazem no preokupasaun ne' e normal teb-tebes no prátika hanesan ne' e manifesta sentidu responsabilidade institusionál husi deputadu sira tanba deputadu sira ezerse sira nia kompetênsia konstitusionál iha área fiskalizasaun nian atu fiskaliza no avalia kapasidade jestaun no produtividade governu hanesan orgaun ezeletif atu kumpri sira nia dever hodi tuir komprimisiu orsamentál ne' ebe aprova tiha ona. Reazem ne' e mos atu asegura katak projeitu hot-hotu tenke garante nia kualidade no refleta interese povu nian”, dehan Luis de Oliveira Sampaio, Diretór Ezeletivu JSMP.

Xefi bankada CNRT Natalino dos Santos hamutuk ho deputadu PD nain rua João Adriano no Jacinta Pereira inklui Deputadu FRETILIN Manuel Gaspar, perokupa ho kualidade reabilitasaun ba estrada Liquidoe, Distritu Aileu no Subdistritu Letefoho ne' ebe laiha kualidade no estrada Be-mean, Distritu Ermera abandonadu durante tinan hat ona.

Faktus seluk apresenta husi deputadu Manuel Castro husi bankada FRETILIN kona-ba relatóriu ezelesaun husi Sekretáriu Estadu ba Eletrisidade ne' ebe halo ona pagamentu 50% maibe seidak hari' i airin eletrisidade iha Suku Bercoli, Distritu Baucau. Deputadu sira mos preokupa ho prosesu reabilitasaun ponte Ritabou iha Distritu Bobonaro ne' ebe to' o agora seidak hahu maske Parlamentu Nasionál aprova ona orsamentu iha tinan ne' e.

Aleinde asuntu sira ne' e, deputadu sira mos preokupa ho movimentu Kompañia Conocophilips iha Aeroportu Internasionál Nicolao Lobato, no lamenta kona-ba esteitmentu Komandante Jerál PNTL, Longuinhos Monteiro relasiona ho kestaun siguransa ne' ebe bandu comunidade atu halo movimentu iha tempu kalan.

Atu hetan informasaun kompleitu, favor kontaktu:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

info@jsmp.minihub.org

Telefone: 3323883 | 77295795

Website: www.jsmp.tl

Face book: www.facebook.com/timorleste.jsmp

Twitter: @JSMPtl